



ԳՆՈՒՄՆԵՐԻ ԲՈՂՈՔԱՐԿՄԱՆ ԽՈՐՀՈՒՐԴ

ք. Երևան

06.04.2017թ.

Ո Ր Ո Շ ՈՒ Մ

ՀՀ գնումների բողոքարկման խորհրդի

թիվ ՍՑ-101/16

ՀՀ գնումների բողոքարկման խորհրդի (այսուհետ նաև՝ Խորհուրդ) բողոքը քննող հանձնաժողովը՝ գործելով Խորհրդի անունից, քննելով ՀՀ ֆինանսների նախարարության 29.07.2015թ. թիվ 1/73-1/20170-15, 22.02.2016թ. թիվ 1/73-3/6164-16 և 23.12.2016թ. թիվ 03/73-3/28526-16 գրություններով ներկայացված «ԹԱԳ ՀԷՄ» ՍՊԸ-ին (այսուհետ նաև՝ Ընկերություն) գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգով նախաձեռնված բողոքը (այսուհետ նաև՝ ՍՑ-ԳԲԽ-101/16 բողոք), ինչպես նաև ուսումնասիրելով ՍՑ-ԳԲԽ-101/16 բողոքի վերաբերյալ «Գնումների աջակցման կենտրոն» ՊՈԱԿ-ի (այսուհետ նաև՝ Կենտրոն) 31.03.2017թ. ներկայացրած եզրակացությունը, պարզեց հետևյալը.

1. ՀՀ ֆինանսների նախարարության ներկայացրած փաստերը և պահանջը

ՀՀ ֆինանսների նախարարությունը, ՀՀ ԳԱԱ «Մոլեկուլային կենսաբանության ինստիտուտ» ՊՈԱԿ-ի 23.07.2015թ. թիվ 2465-311 գրության և ՀՀ պաշտպանության

նախարարության 15.12.2016թ. թիվ ԴՎԱ/3932 գրության հիման վրա, 29.07.2015թ. թիվ 1/73-1/20170-15, 22.02.2016թ. թիվ 1/73-3/6164-16 և 23.12.2016թ. թիվ 03/73-3/28526-16 գրություններով դիմել է «Գնումների աջակցման կենտրոն» ՊՈԱԿ-ին (այսուհետ նաև՝ Կենտրոն)՝ խնդրելով ուսումնասիրել «ԹԱԳ ՀԷՄ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում (այսուհետ՝ Ցուցակ) ներառելու հիմքերը և այդպիսի հիմքերի առկայության դեպքում ձեռնարկել անհրաժեշտ միջոցներ «ԹԱԳ ՀԷՄ» ՍՊԸ-ին Ցուցակում ներառելու համար:

2. «ԹԱԳ ՀԷՄ» ՍՊԸ-ի ներկայացրած փաստարկները և դիրքորոշումը

«Գնումների աջակցման կենտրոն» ՊՈԱԿ-ը կարծիք ստանալու նպատակով 29.09.2015թ. թիվ 02/04.1/2564-15, 23.02.2016թ. թիվ 01/04.2/623-16 և 27.12.2016թ. թիվ 01/04.1/4733-16 գրություններով դիմել է «ԹԱԳ ՀԷՄ» ՍՊԸ-ին, որին ի պատասխան՝ Ընկերության կողմից կարծիք չի ներկայացվել:

«ԹԱԳ ՀԷՄ» ՍՊԸ-ն, պատշաճ ծանուցված լինելով 22.12.2016թ. ժամը 17:30-ին Կենտրոնում կայացած ՍՑ-ԳԲԽ-101/16 բողոքը քննող հանձնաժողովի նիստի վերաբերյալ, չի ապահովել իր ներկայացուցչի մասնակցությունը:

«ԹԱԳ ՀԷՄ» ՍՊԸ-ն ՍՑ-ԳԲԽ-101/16 բողոքը քննող հանձնաժողովի 08.02.2017թ. ժամը 16:50-ի նիստի ժամանակ բողոքը քննող հանձնաժողովին ներկայացրել է ՀՀ ԿԱ պետական եկամուտների կոմիտեի Մաշտոցի հարկային տեսչության կողմից 08.02.2017թ. տրված թիվ 547 տեղեկանքը, համաձայն որի Ընկերությունը 08.07.2015թ. (հայտերը ներկայացնելու օրվա) դրությամբ ունեցել է հարկային մարմնի կողմից վերահսկվող եկամուտների մասով պարտավորություններ՝ 6105 ՀՀ դրամ բնապահպանական վճարի մասով և 852 ՀՀ դրամ՝ սոցիալական վճարի մասով և հայտնել է, որ Ընկերությունը հայտերը ներկայացնելու օրվա դրությամբ չի ունեցել ժամկետանց հարկային պարտավորություններ ՀՀ պետական բյուջեի նկատմամբ:

3. ՀՀ ԳԱԱ «Մոլեկուլային կենսաբանության ինստիտուտ» ՊՈԱԿ-ի կողմից ներկայացրած փաստարկները և դիրքորոշումը

ՀՀ ԳԱԱ «Մոլեկուլային կենսաբանության ինստիտուտ» ՊՈԱԿ-ը (այսուհետ նաև՝ Պատվիրատու) 23.07.2015թ. թիվ 2465-311 գրությամբ հայտնել է, որ Պատվիրատուի կողմից 01.07.2015թ. հրավիրվել է «ՄԿԻ-ՇՀԱՊՁԲ-15/15-15/9» և «ՄԿԻ-ՇՀԱՊՁԲ-15/16-15/8» ծածկագրերով քիմիական նյութերի և բժշկական պարագաների գնման ընթացակարգերը: 10.07.2015թ. տեղի է ունեցել հայտերի բացման նիստը և այդ ընթացակարգին մասնակցել և համապատասխան չափաբաժինների մասով առաջին տեղ է զբաղեցրել «ԹԱԳ ՀԷՄ» ՍՊԸ-ն, որի հետ Պատվիրատուն պետք է կնքեր պայմանագիր: Սահմանված կարգով ՀՀ ֆինանսների նախարարություն ուղարկված հարցմանն ի պատասխան ստացված եզրակացության համաձայն՝ Ընկերությունը հայտը ներկայացնելու օրվա դրությամբ ՀՀ պետական բյուջեի նկատմամբ ունեցել է 132 426 ՀՀ դրամ ժամկետանց հարկային պարտավորություն:

Պատվիրատուն, պատշաճ ծանուցված լինելով 22.12.2016թ. ժամը 17:30-ին և 08.02.2017թ. ժամը 16:50-ի Կենտրոնում կայացած ՍՑ-ԳԲԽ-101/16 բողոքը քննող հանձնաժողովի նիստերի վերաբերյալ, չի ապահովել իր ներկայացուցչի մասնակցությունը:

4. ՀՀ պաշտպանության նախարարության կողմից ներկայացված փաստարկները և դիրքորոշումը

ՀՀ պաշտպանության նախարարությունը 15.12.2016թ. թիվ ԴՎԱ/3932 գրությամբ հայտնել է, որ «ԳԱԿ-ՇՀԱՊՁԲ-15/15-ՀՀ ՊՆ ՆՏԱԴ-ՇՀԱՊՁԲ-7/67» ծածկագրով շրջանակային համաձայնագրերի միջոցով գնում կատարելու ընթացակարգի 72-րդ չափաբաժնի մասով «ԹԱԳ ՀԷՄ» ՍՊԸ-ն Armeps համակարգի միջոցով ոչ ավտոմատ եղանակով ծանուցվել է երեք աշխատանքային օրվա ընթացքում որակավորման չափանիշները հիմնավորող հրավերով նախատեսված փաստաթղթերը ներկայացնելու անհրաժեշտության վերաբերյալ:

Ընկերության կողմից ներկայացված ապրանքի տեխնիկական բնութագրի քննարկման արդյունքում պարզվել է, որ այն տարբերվում է հրավերով նախատեսված տեխնիկական բնութագրից և համարժեք չէ դրան: Հիմք ընդունելով ՀՀ կառավարության 10.02.2015թ. N 168-Ն որոշմամբ հաստատված «Գնումների գործընթացի կազմակերպման» կարգի (այսուհետ նաև՝ Կարգ) 51-րդ կետը՝ ընթացակարգի գնահատող հանձնաժողովը որոշել է կասեցնել նիստը և մասնակցին առաջարկել շտկել վերը նշված անհամապատասխանությունը: Սահմանված ժամկետում «ԹԱԳ ՀԷՄ» ՍՊԸ-ի կողմից շտկում չի ներկայացվել և հիմք ընդունելով Կարգի 52-րդ կետի 2-րդ ենթակետը, հանձնաժողովը որոշել է 72-րդ չափաբաժնի մասով մերժել «ԹԱԳ ՀԷՄ» ՍՊԸ-ի հայտը:

5. ՍՑ-ԳԲԽ-101/16 բողոքի վերաբերյալ «Գնումների աջակցման կենտրոն» ՊՈԱԿ-ի դիրքորոշումը

«Գնումների աջակցման կենտրոն» ՊՈԱԿ-ը Խորհրդին է ներկայացրել իր 31.03.2017թ. եզրակացությունը և առաջարկել ՀՀ ֆինանսների նախարարության 29.07.2015թ. թիվ 1/73-1/20170-15, 22.02.2016թ. թիվ 1/73-3/6164-16 և 23.12.2016թ. թիվ 03/73-3/28526-16 գրություններով ներկայացված «ԹԱԳ ՀԷՄ» ՍՊԸ-ին (ՀՎՀՀ՝ 01232586) գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգը մերժել:

6. ՍՑ-ԳԲԽ-101/16 պաշտոնական ընթացակարգով նախաձեռնած բողոքի քննության համար էական նշանակություն ունեցող փաստերը

ՀՀ ֆինանսների նախարարության 29.07.2015թ. թիվ 1/73-1/20170-15, 22.02.2016թ. թիվ 1/73-3/6164-16 և 23.12.2016թ. թիվ 03/73-3/28526-16 գրություններով ներկայացված «ԹԱԳ ՀԷՄ» ՍՊԸ-ին գնումների գործընթացին մասնակցելու իրավունք չունեցող

մասնակիցների ցուցակում ներառելու պաշտոնական ընթացակարգով նախաձեռնած բողոքի քննության համար էական նշանակություն ունեն հետևյալ փաստերը՝

1. ՀՀ ԳԱԱ «Մոլեկուլային կենսաբանության ինստիտուտ» ՊՈԱԿ-ի կողմից կազմակերպված «ՄԿԻ-ՇՀԱՊՁԲ-15/15-15/9» և «ՄԿԻ-ՇՀԱՊՁԲ-15/16-15/8» ծածկագրերով ընթացակարգեր.

- ՀՀ ԳԱԱ «Մոլեկուլային կենսաբանության ինստիտուտ» ՊՈԱԿ-ի կողմից ՀՀ ԳԱԱ «Մոլեկուլային կենսաբանության ինստիտուտ» ՊՈԱԿ-ի կարիքների համար կազմակերպված «ՄԿԻ-ՇՀԱՊՁԲ-15/15-15/9» և «ՄԿԻ-ՇՀԱՊՁԲ-15/16-15/8» ծածկագրերով ընթացակարգերին մասնակցելու նպատակով «ԹԱԳ ՀԷՄ» ՍՊԸ-ն **08.07.2015թ.** հայտեր է ներկայացրել:

- Ընկերությունը հայտերի թիվ 2 հավելվածներով՝ ընթացակարգերին մասնակցելու նպատակով հրավերով սահմանված մասնակցության իրավունքի պահանջներին իր տվյալների համապատասխանության մասին հայտարարությամբ, հայտնել և հավաստել է որ **հայտերը ներկայացվելու օրվա դրությամբ չունի ժամկետանց հարկային պարտքեր Հայաստանի Հանրապետության հարկային և պարտադիր սոցիալական ապահովության վճարների գծով:**

- ՀՀ կառավարության 10.02.2011թ. N 168-Ն որոշմամբ հաստատված «Գնումների գործընթացի կազմակերպման» կարգի (հղումը կատարված է մինչև ՀՀ կառավարության 07.07.2016թ. N 700-Ն որոշումը ուժի մեջ մտնելը) 47-րդ կետի 1-ին ենթակետով նախատեսված տվյալների վերաբերյալ ՀՀ ֆինանսների նախարարության կողմից 21.07.2015թ. տրամադրված եզրակացության համաձայն՝ Ընկերությունը **հայտերը ներկայացնելու ներկայացնելու օրվա (08.07.2016թ.) դրությամբ ՀՀ պետական բյուջեի նկարմամբ ունի ժամկետանց հարկային պարտավորություն 132 426 ՀՀ դրամի չափով:**

- ՀՀ ֆինանսների նախարարության կողմից 23.07.2015թ. Պատվիրատուին տրամադրվել է Կարգի 47-րդ կետի 1-ին ենթակետով նախատեսված տվյալների վերաբերյալ եզրակացության ճշգրտված տարբերակը, որի համաձայն՝ **Ընկերությունը**

հայտերը ներկայացնելու օրվա դրությամբ ունի ժամկետանց հարկային պարտավորություն՝ 125 469 ՀՀ դրամի չափով:

- «ՄԿԻ-ՇՀԱՊՁԲ-15/15-15/8» ծածկագրով ընթացակարգի գնահատող հանձնաժողովի 22.07.2015թ. ժամը 10:00-ի նիստի թիվ 6 արձանագրության 1-ին կետով և «ՄԿԻ-ՇՀԱՊՁԲ-15/15-15/9» ծածկագրով ընթացակարգի գնահատող հանձնաժողովի 22.07.2015թ. ժամը 10:00-ի նիստի թիվ 5 արձանագրության 1-ին կետով կայացված որոշումներով «ԹԱԳ ՀԷՄ» ՍՊԸ-ի կողմից «ՄԿԻ-ՇՀԱՊՁԲ-15/15-15/8» և «ՄԿԻ-ՇՀԱՊՁԲ-15/15-15/9» ծածկագրերով ընթացակարգերին ներկայացված հայտերը մերժվել են:

- ՀՀ ԿԱ պետական եկամուտների կոմիտեի կողմից 08.02.2017թ. տրված թիվ 08.02.2017թ. տեղեկանքի համաձայն՝ «ԹԱԳ ՀԷՄ» ՍՊԸ-ն 08.07.2015թ. (հայտերը ներկայացնելու օրվա) դրությամբ ունեցել է հարկային մարմնի կողմից վերահսկվող եկամուտների մասով պարտավորություններ՝ **6105 ՀՀ դրամ բնապահպանական վճարի մասով և 852 ՀՀ դրամ՝ սոցիալական վճարի մասով:**

- «Գնումների աջակցման կենտրոն» ՊՈԱԿ-ը ԳԲԽ-101/16 բողոքի քննության շրջանակներում 23.02.2017թ. թիվ 01/04.1/602-17 գրությամբ դիմել է ՀՀ ԿԱ պետական եկամուտների կոմիտեին, խնդրելով հայտնել, թե Ընկերությունը **08.07.2015թ. դրությամբ (հայտերը ներկայացնելու օրվա դրությամբ) ունեցել է արդյոք ժամկետանց հարկային պարտավորություններ ՀՀ պետական բյուջեի նկատմամբ, թե ոչ:**

- Ի պատասխան Կենտրոնի 23.02.2017թ. թիվ 01/04.1/602-17 գրության՝ ՀՀ ԿԱ պետական եկամուտների կոմիտեն 15.03.2017թ. թիվ 1/6-1/8321-17 գրությամբ հայտնել է, որ «ԹԱԳ ՀԷՄ» ՍՊԸ-ն 08.07.2015թ. դրությամբ չի ունեցել ժամկետանց հարկային պարտավորություններ ՀՀ պետական բյուջեի նկատմամբ:

2. ՀՀ պաշտպանության նախարարության կողմից կազմակերպված «ԳԱԿ-ՇՀԱՊՁԲ-15/15-ՀՀ ՊՆ ՆՏԱԴ-ՇՀԱՊՁԲ-7/67» ծածկագրով ընթացակարգ.

- ՀՀ պաշտպանության նախարարության կողմից ՀՀ պաշտպանության նախարարության կարիքների համար կազմակերպված «ԳԱԿ-ՇՀԱՊՁԲ-15/15-ՀՀ ՊՆ ՆՏԱԴ-ՇՀԱՊՁԲ-7/67» ծածկագրով ընթացակարգին մասնակցելու նպատակով «ԹԱԳ ՀԷՄ» ՍՊԸ-ն հայտ է ներկայացրել:

- Ընթացակարգի հրավերի տեխնիկական բնութագրով ընթացակարգի 72-րդ չափաբաժնի մասով որպես պահանջ նախատեսվել է ապրանքի ԳՕՍՏ 4919.1-ին համապատասխան լինելը:

- Ընկերությունը հայտի թիվ 4.1 հավելվածով հայտնել և հավաստել է, որ իր կողմից ներկայացված հայտով առաջարկվող՝ 6, 9, 14, 15, 17, 18, 19, 23, 24, 26-33, 35-48, 50-53, 60, 61, 68 չափաբաժիններում նշված ապրանքների տեխնիկական բնութագրերը համապատասխանում են «ԳԱԿ-ՇՀԱՊՁԲ-15/15-ՀՀ ՊՆ ՆՏԱԴ-ՇՀԱՊՁԲ-7/67» ծածկագրով ընթացակարգի հրավերով նախատեսված ապրանքների տեխնիկական բնութագրերին:

Ընդ որում, Ընկերությունը վերոհիշյալ հայտարարությամբ պարտավորվել է 1-ին տեղ զբաղեցրած մասնակից ճանաչվելու դեպքում ներկայացնել իր կողմից հաստատված՝ հայտով առաջարկված ապրանքի (ապրանքների) անվանումը և տեխնիկական բնութագրերը:

- Ընթացակարգի գնահատող հանձնաժողովի 14.06.2016թ. ժամը 11:30-ի նիստի թիվ 3 արձանագրությամբ Ընկերությունը ճանաչվել է 1-ին տեղ զբաղեցրած մասնակից Ընթացակարգի 23-րդ, 24-րդ, 26-27-րդ, 33-րդ, 41-րդ, 44-45-րդ, 52-րդ, 72-րդ, չափաբաժինների մասով և որոշվել է ծանուցել Ընկերությանը հրավերով նախատեսված որակավորման չափանիշները հիմնավորող փաստաթղթերը, ինչպես նաև 26-27-րդ, 41-րդ, 44-րդ, 45-րդ չափաբաժինների մասով՝ չհիմնավորված ցածր գնային առաջարկի հիմնավորումները ներկայացնելու վերաբերյալ:

- Ընթացակարգի գնահատող հանձնաժողովի 12.08.2016թ. ժամը 11:00-ի նիստի թիվ 4 արձանագրության 1.1 կետով արձանագրվել է, որ Ընկերության կողմից 26-27-րդ, 41-րդ, 44-րդ, 45-րդ չափաբաժինների մասով չի ներկայացվել չհիմնավորված ցածր գնային առաջարկի հիմնավորում, ուստի այդ չափաբաժինների մասով Ընկերության հայտը մերժվել է, իսկ 72-րդ չափաբաժնի մասով առկա է անհամապատասխանություն, այն է՝ պահանջվող ԳՕՍՏ 4919.1-ի փոխարեն նշված է ՏՈՒ 6-00-29-79:

- Ընթացակարգի գնահատող հանձնաժողովի քարտուղարը, հիմք ընդունելով Կարգի 51-րդ կետը, 12.08.2016թ. Armeps համակարգի միջոցով ոչ ավտոմատ ծանուցման եղանակով ծանուցել է «ԹԱԳ ՀԷՄ» ՍՊԸ-ին՝ առաջարկելով մեկ աշխատանքային օրվա ընթացքում շտկել որակավորման չափանիշները հիմնավորող փաստաթղթերում արձանագրված անհամապատասխանությունը, որը սակայն Ընկերության կողմից սահմանված ժամկետում չի շտկվել:

- Ընթացակարգի գնահատող հանձնաժողովի կողմից «ԹԱԳ ՀԷՄ» ՍՊԸ-ի հայտը Ընթացակարգի 72-րդ չափաբաժնի մասով մերժվել է:

7. Խորհրդի հիմնավորումները և եզրահանգումը

Խորհուրդն, ուսումնասիրելով ՀՀ ԳԱԱ «Մոլեկուլային կենսաբանության ինստիտուտ» ՊՈԱԿ-ի 23.07.2015թ. թիվ 2465-311, ՀՀ պաշտպանության նախարարության 15.12.2016թ. թիվ ԴՎԱ/3932 գրությունները և կից փաստաթղթերը, հայտնում է հետևյալը.

1. ՀՀ ԳԱԱ «Մոլեկուլային կենսաբանության ինստիտուտ» ՊՈԱԿ-ի կազմակերպված «ՄԿԻ-ՇՀԱՊՁԲ-15/15-15/9» և «ՄԿԻ-ՇՀԱՊՁԲ-15/16-15/8» ծածկագրերով ընթացակարգեր

«Գնումների մասին» ՀՀ օրենքի 5-րդ հոդվածի 1-ին մասի 2-րդ կետի համաձայն՝ գնումների ընթացակարգերին մասնակցելու իրավունք չունեն անձինք, որոնք ունեն ժամկետանց պարտքեր Հայաստանի Հանրապետության հարկային և պարտադիր սոցիալական ապահովության վճարների գծով:

Օրենքի 5-րդ հոդվածի 1-ին մասի 4-րդ կետի «բ» ենթակետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե հայտը ներկայացնելու պահին նախորդող տարվա ընթացքում գնման գործընթացի շրջանակում ներկայացրել է կեղծ տվյալ:

Օրենքի 48-րդ հոդվածի 6-րդ մասի 7-րդ կետի համաձայն՝ ՀՀ գնումների բողոքարկման խորհուրդն իրավունք ունի որոշում կայացնելու մասնակցին գնումների գործընթացին մասնակցության իրավունք չունեցող մասնակիցների ցուցակում ներառելու համար:

ՀՀ կառավարության 10.02.2011թ. N 168-Ն որոշմամբ հաստատված «Գնումների գործընթացի կազմակերպման» կարգի 35-րդ կետի 1-ին ենթակետի «բ» պարբերության համաձայն՝ մասնակիցը հայտով ներկայացնում է իր կողմից հաստատված հայտարարություն՝ օրենքով նախատեսված մասնակցության իրավունքի և հրավերով սահմանված որակավորման չափանիշներին իր համապատասխանության մասին:

Կարգի 47-րդ կետի 1-ին ենթակետի համաձայն՝ հայտերի բացման նիստի ավարտին հաջորդող աշխատանքային օրը հանձնաժողովի քարտուղարն էլեկտրոնային եղանակով Հայաստանի Հանրապետության ֆինանսների նախարարություն հարցում է ներկայացնում առաջին և հաջորդաբար տեղ զբաղեցրած մասնակիցների՝ Հայաստանի Հանրապետության պետական բյուջեի նկատմամբ հայտը ներկայացնելու օրվա դրությամբ ժամկետանց հարկային պարտավորությունների, ինչպես նաև նույն կարգի 67-րդ կետով նախատեսված որակավորման պահանջի առկայության վերաբերյալ՝ ներկայացնելով հարկ վճարողի հաշվառման համարը:

Կարգի 48-րդ կետի համաձայն՝ Հայաստանի Հանրապետության ֆինանսների նախարարությունը նույն կարգի 47-րդ կետի 1-ին ենթակետով նախատեսված հարցումն ստանալու օրվան հաջորդող երկու աշխատանքային օրվա ընթացքում էլեկտրոնային եղանակով պատվիրատուին տրամադրում է հարցման մասին եզրակացություն: Նույն կետով սահմանված ժամկետում Հայաստանի Հանրապետության ֆինանսների նախարարությունից եզրակացության չստացման դեպքում մասնակցի ներկայացրած հայտարարությունը համարվում է իրականությանը համապատասխանող: Եթե տրամադրված եզրակացության արդյունքում մասնակցի ներկայացրած հայտարարությունները որակվում են իրականությանը չհամապատասխանող, ապա՝

1) հայտերի գնահատման արդյունքների հրապարակման նիստում հանձնաժողովի որոշմամբ տվյալ մասնակցի հայտը մերժվում է, և

2) այդ մասնակցի տվյալները գնման գործընթացին մասնակցելու իրավունք չունեցող մասնակիցների ցուցակում ներառելու գործընթաց նախաձեռնելու նպատակով ի հայտ եկած հանգամանքների մասին տեղեկությունները պատվիրատուի կողմից ուղարկվում են Հայաստանի Հանրապետության ֆինանսների նախարարություն՝ դրանց ի հայտ գալու օրվան հաջորդող երեք աշխատանքային օրվա ընթացքում:

«ԹԱԳ ՀԷՄ» ՍՊԸ-ն **08.07.2015թ.** մասնակցության հայտեր է ներկայացրել ՀՀ ԳԱԱ «Մոլեկուլային կենսաբանության ինստիտուտ» ՊՈԱԿ-ի կողմից ՀՀ ԳԱԱ «Մոլեկուլային կենսաբանության ինստիտուտ» ՊՈԱԿ-ի կարիքների համար կազմակերպված «ՄԿԻ-ՇՀԱՊՁԲ-15/15-15/9» և «ՄԿԻ-ՇՀԱՊՁԲ-15/16-15/8» ծածկագրերով ընթացակարգերին:

Ընկերությունը ընթացակարգերի մասնակցության հայտերի 2 հավելվածներով՝ ընթացակարգերին մասնակցելու նպատակով հրավերով սահմանված մասնակցության իրավունքի պահանջներին իր տվյալների համապատասխանության մասին հայտարարությամբ, հայտնել և հավաստել է, որ **հայտերը ներկայացվելու օրվա դրությամբ չունի ժամկետանց հարկային պարտքեր Հայաստանի Հանրապետության հարկային և պարտադիր սոցիալական ապահովության վճարների գծով, մինչդեռ ՀՀ ֆինանսների նախարարության կողմից 21.07.2015թ. տրամադրված եզրակացության համաձայն՝ Ընկերությունը հայտերը ներկայացնելու ներկայացնելու օրվա (08.07.2015թ.) դրությամբ ՀՀ պետական բյուջեի նկատմամբ ունեցել է ժամկետանց հարկային պարտավորություն 132 426 ՀՀ դրամի չափով, իսկ 23.07.2015թ. ՀՀ ֆինանսների նախարարության կողմից տրամադրված ճշգրտված եզրակացության համաձայն՝ Ընկերությունը հայտերը ներկայացնելու օրվա դրությամբ ունեցել է ժամկետանց հարկային պարտավորություն՝ 125 469 ՀՀ դրամի չափով:**

Ընկերությունը ՍՑ-101/16 բողոքը քննող հանձնաժողովին ներկայացրել է ՀՀ ԿԱ պետական եկամուտների կոմիտեի կողմից 08.02.2017թ. տրված թիվ 547 տեղեկանքը, համաձայն որի՝ «ԹԱԳ ՀԷՄ» ՍՊԸ-ն 08.07.2015թ. (հայտերը ներկայացնելու օրվա) դրությամբ ունեցել է հարկային մարմնի կողմից վերահսկվող եկամուտների մասով պարտավորություններ՝ **6105 ՀՀ դրամ քնապահպանական վճարի մասով և 852 ՀՀ դրամ՝ սոցիալական վճարի մասով:**

«Գնումների աջակցման կենտրոն» ՊՈԱԿ-ը ՍՑ-101/16 բողոքի քննության շրջանակներում 23.02.2017թ. թիվ 01/04.1/602-17 գրությամբ դիմել է ՀՀ ԿԱ պետական եկամուտների կոմիտեին, խնդրելով հայտնել, թե Ընկերությունը **08.07.2015թ. դրությամբ (հայտերը ներկայացնելու օրվա դրությամբ) ունեցել է արդյոք ժամկետանց հարկային պարտավորություններ ՀՀ պետական բյուջեի նկատմամբ, թե ոչ**, որին ի պատասխան ՀՀ ԿԱ պետական եկամուտների կոմիտեն 15.03.2017թ. թիվ 1/6-1/8321-17 գրությամբ հայտնել է, որ **«ԹԱԳ ՀԷՄ» ՍՊԸ-ն 08.07.2015թ. դրությամբ չի ունեցել ժամկետանց հարկային պարտավորություններ ՀՀ պետական բյուջեի նկատմամբ:**

«Գնումների մասին» ՀՀ օրենքի 5-րդ հոդվածի 1-ին մասի 2-րդ կետի համաձայն՝ գնումների ընթացակարգերին մասնակցելու իրավունք չունեն անձինք, որոնք ունեն ժամկետանց պարտքեր Հայաստանի Հանրապետության հարկային և պարտադիր սոցիալական ապահովության վճարների գծով:

Ելնելով վերոգրյալից և հիմք ընդունելով ՀՀ ԿԱ պետական եկամուտների կոմիտեի 15.03.2017թ. թիվ 1/6-1/8321-17 գրությունը, համաձայն որի «ԹԱԳ ՀԷՄ» ՍՊԸ-ն 08.07.2015թ. դրությամբ (հայտերը ներկայացնելու օրվա դրությամբ) չի ունեցել ժամկետանց հարկային պարտավորություններ ՀՀ պետական բյուջեի նկատմամբ, Խորհուրդը գտնում է, որ Ընկերությանը սույն հիմքով, այն է՝ Օրենքի 5-րդ հոդվածի 1-ին մասի 4-րդ կետի «բ» ենթակետով, գնումների գործընթացին մասնակցելու իրավունք չունեցող մասնակիցների ցուցակում ներառելու հիմքեր առկա չեն:

2. ՀՀ պաշտպանության նախարարության կողմից կազմակերպված «ԳԱԿ-ՇՀԱՊՁԲ-15/15-ՀՀ ՊՆ ՆՏԱԴ-ՇՀԱՊՁԲ-7/67» ծածկագրով ընթացակարգ

«Գնումների մասին» ՀՀ օրենքի 5-րդ հոդվածի 1-ին մասի 4-րդ կետի «ա» ենթակետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, **եթե հայտը ներկայացնելու պահին նախորդող տարվա ընթացքում ավելի քան մեկ անգամ խախտել է** պայմանագրով նախատեսված կամ **գնման գործընթացի շրջանակում ստանձնած պարտավորություն,**

որը հանգեցրել է պատվիրատուի կողմից պայմանագրի միակողմանի լուծարմանը կամ **գնման գործընթացին տվյալ մասնակցի հետագա մասնակցության դադարեցմանը:**

Օրենքի 31-րդ հոդվածի 5-րդ մասի 1-ին կետի համաձայն՝ առաջին և հաջորդաբար տեղերը զբաղեցրած մասնակիցներին որոշելուց հետո՝ հրավերով սահմանված ժամկետում առաջին տեղը զբաղեցրած մասնակիցը հանձնաժողովին է ներկայացնում իր՝ գնումներին մասնակցելու իրավունքը և հրավերով նախատեսված որակավորման չափանիշներին համապատասխանությունը հիմնավորող՝ հրավերով նախատեսված փաստաթղթերը (տեղեկությունները):

Կարգի 47-րդ կետի 3-րդ ենթակետի սահմանում է *(հղումը կատարված է մինչև ՀՀ կառավարության 07.07.2016թ. N 700-Ն որոշումը ուժի մեջ մտնելը)*, որ հայտերի բացման նիստի ավարտին հաջորդող աշխատանքային օրը հանձնաժողովի քարտուղարն էլեկտրոնային եղանակով՝ ծանուցում է առաջին տեղը զբաղեցրած մասնակցին առաջարկելով երեք աշխատանքային օրվա ընթացքում ներկայացնել լրացուցիչ հիմնավորումներ, եթե առաջին տեղը զբաղեցրած մասնակիցը ներկայացրել է չհիմնավորված ցածր գնային առաջարկ: Սույն մասով սահմանված ժամկետում փաստաթղթային հիմնավորումները չներկայացվելու կամ ներկայացված հիմնավորումները գնահատող հանձնաժողովի կողմից ոչ բավարար համարվելու դեպքում հանձնաժողովը մերժում է առաջին տեղը զբաղեցրած մասնակցի հայտը և փաստաթղթեր ներկայացնելու պահանջ է ներկայացնում հաջորդող տեղը զբաղեցրած մասնակցին: Ընդ որում, գնային առաջարկը համարվում է չհիմնավորված ցածր, եթե այն ցածր է տվյալ գնման հայտով նախատեսված առավելագույն գնի 75 տոկոսից:

Կարգի 51-րդ կետի համաձայն՝ առաջին տեղը զբաղեցրած մասնակցի կողմից փաստաթղթերն ամբողջական չներկայացվելու, ինչպես նաև ներկայացրած որակավորման չափանիշները հիմնավորող՝ հրավերով նախատեսված փաստաթղթերի, իսկ ապրանքների գնման դեպքում նաև նույն կարգի 35-րդ կետի 1-ին ենթակետի «գ» պարբերությամբ նախատեսված փաստաթղթի գնահատման արդյունքում հրավերի պահանջների նկատմամբ անհամապատասխանություններ արձանագրվելու դեպքում հանձնաժողովի քարտուղարը նույն օրն էլեկտրոնային եղանակով ծանուցում է առաջին

տեղը զբաղեցրած մասնակցին առաջարկելով մեկ աշխատանքային օրվա ընթացքում շտկել անհամապատասխանությունը:

Կարգի 52-րդ կետի համաձայն՝ առաջին տեղը զբաղեցրած մասնակցի կողմից արձանագրված անհամապատասխանությունը սահմանված ժամկետում չշտկելու դեպքում հանձնաժողովի որոշմամբ հայտը մերժվում է և փաստաթղթեր ներկայացնելու պահանջ է ներկայացվում հաջորդաբար տեղ զբաղեցրած մասնակցին:

ՀՀ պաշտպանության նախարարության կողմից կազմակերպված «ԳԱԿ-ՇՀԱՊՁԲ-15/15-ՀՀ ՊՆ ՆՏԱԴ-ՇՀԱՊՁԲ-7/67» ընթացակարգի հրավերի տեխնիկական բնութագրով 72-րդ չափաբաժնի մասով նախատեսվել է, որ ապրանքը պետք է համապատասխանի ԳՕՍՏ 4919.1-ին:

Ընկերությունը ընթացակարգի մասնակցության հայտի թիվ 4.1 հավելվածով հայտնել և հավաստել է, որ իր կողմից ներկայացված հայտով առաջարկվող՝ 6, 9, 14, 15, 17, 18, 19, 23, 24, 26-33, 35-48, 50-53, 60, 61, 68 չափաբաժիններում նշված ապրանքների տեխնիկական բնութագրերը համապատասխանում են «ԳԱԿ-ՇՀԱՊՁԲ-15/15-ՀՀ ՊՆ ՆՏԱԴ-ՇՀԱՊՁԲ-7/67» ծածկագրով ընթացակարգի հրավերով նախատեսված ապրանքների տեխնիկական բնութագրերին:

Ընթացակարգի գնահատող հանձնաժողովի 14.06.2016թ. ժամը 11:30-ի նիստի թիվ 3 արձանագրությամբ Ընկերությունը ճանաչվել է 1-ին տեղ զբաղեցրած մասնակցից Ընթացակարգի 23-րդ, 24-րդ, 26-27-րդ, 33-րդ, 41-րդ, 44-45-րդ, 52-րդ, 72-րդ, չափաբաժինների մասով և որոշվել է ծանուցել Ընկերությանը հրավերով նախատեսված որակավորման չափանիշները հիմնավորող փաստաթղթերը, ինչպես նաև 26-27-րդ, 41-րդ, 44-րդ, 45-րդ չափաբաժինների մասով՝ չհիմնավորված ցածր գնային առաջարկի հիմնավորումները ներկայացնելու վերաբերյալ:

Ընկերության կողմից սահմանված ժամկետում ընթացակարգի գնահատող հանձնաժողովին չեն ներկայացվել 26-27-րդ, 41-րդ, 44-րդ, 45-րդ չափաբաժինների մասով չհիմնավորված ցածր գնային առաջարկի հիմնավորումներ, ուստի գնահատող հանձնաժողովը նշված չափաբաժինների մասով մերժել է Ընկերության հայտը:

Ընթացակարգի գնահատող հանձնաժողովը 12.08.2016թ. ժամը 11:00-ի նիստի թիվ 4 արձանագրության 1.1 կետով արձանագրել է, որ Ընկերության կողմից ներկայացված

տեխնիկական բնութագրի մեջ 72-րդ չափաբաժնի մասով առկա է անհամապատասխանություն. այն է՝ պահանջվող ԳՕՍՏ 4919.1-ի փոխարեն նշված է ՏՈՒ 6-00-29-79:

Գնահատող հանձնաժողովի քարտուղարը, հիմք ընդունելով Կարգի 51-րդ կետը, 12.08.2016թ. Armeps համակարգի միջոցով ոչ ավտոմատ ծանուցման եղանակով ծանուցել է «ԹԱԳ ՀԷՄ» ՍՊԸ-ին՝ առաջարկելով մեկ աշխատանքային օրվա ընթացքում շտկել որակավորման չափանիշները հիմնավորող փաստաթղթերում արձանագրված անհամապատասխանությունը, որը սակայն Ընկերության կողմից սահմանված ժամկետում չի շտկվել:

Հիմք ընդունելով Ընկերության կողմից արձանագրված անհամապատասխանությունը սահմանված ժամկետում չշտկելու հանգամանքը՝ Ընթացակարգի գնահատող հանձնաժողովը ընթացակարգի 72-րդ չափաբաժնի մասով մերժել է Ընկերության հայտը:

«Գնումների մասին» ՀՀ օրենքի 5-րդ հոդվածի 1-ին մասի 4-րդ «ա» ենթակետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, ***եթե հայտը ներկայացնելու պահին նախորդող տարվա ընթացքում ավելի քան մեկ անգամ խախտել է գնման գործընթացի շրջանակում ստանձնած պարտավորություն, որը հանգեցրել է գնման գործընթացին տվյալ մասնակցի հետագա մասնակցության դադարեցմանը:***

Խորհուրդն արձանագրում է, որ Ընկերության կողմից ՀՀ պաշտպանության նախարարության կողմից կազմակերպված «ԳԱԿ-ՇՀԱՊՁԲ-15/15-ՀՀ ՊՆ ՆՏԱԴ-ՇՀԱՊՁԲ-7/67» ծածկագրով գնման գործընթացի շրջանակներում թույլ է տրվել ստանձնած պարտավորության խախտում, քանի որ Ընկերությունը սահմանված ժամկետում չի ներկայացրել Ընթացակարգի 26-27-րդ, 41-րդ, 44-րդ, 45-րդ չափաբաժինների մասով չհիմնավորված ցածր գնի հիմնավորումներ, ինչպես նաև Կարգի 51-րդ կետի համաձայն սահմանված ժամկետում չի շտկել հրավերով նախատեսված որակավորման չափանիշները հիմնավորող փաստաթղթերում արձանագրված անհամապատասխանությունը: Միևնույն ժամանակ հաշվի առնելով, որ Ընկերությունը գնման գործընթացի շրջանակում ստանձնած պարտավորությունը խախտել է մեկ անգամ, Խորհուրդը գտնում է, որ սույն հիմքով Ընկերությանը Ցուցակում ներառելու հիմքեր առկա չեն:

Ելնելով վերոգրյալից և ղեկավարվելով «Գնումների մասին» ՀՀ օրենքի 48-րդ հոդվածի 6-րդ մասի 7-րդ կետով՝ ՀՀ գնումների բողոքարկման խորհուրդը

Ո Ր Ո Շ Ե Ց

ՀՀ ֆինանսների նախարարության 29.07.2015թ. թիվ 1/73-1/20170-15, 22.02.2016թ. թիվ 1/73-3/6164-16 և 23.12.2016թ. թիվ 03/73-3/28526-16 գրություններով ներկայացված «ԹԱԳ ՀԷՄ» ՍՊԸ-ին (ՀՎՀՀ՝ 01232586) գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգը մերժել:

ՀՀ գնումների բողոքարկման խորհրդի որոշումն իրավապարտադիր է:


ՀՀ գնումների բողոքարկման խորհրդի որոշումը կարող է բողոքարկվել դատական կարգով:

Բողոքը քննող հանձնաժողով՝

Անդամներ՝



Մնացականյան Հասմիկ



Պողոսյան Լիդիա